



VOT BILONG YU EM PAWA

VOT GUT, SAVE GUT LONG OL KENDIDET BILONG YU

Dispela posta i skulim mipela olsem:

- Ol lida no save makim yumi, yumi save makim ol. Yusim pawa bilong yu gut na tingim ol hevi we inap kamap sapos yu no vot gut.
- Yu gat wok long save husat yumi laik votim. Wok strong long save gut long ol kendidet bilong yumi bipo long yu vot. Tingim, bai yu vot insait long klostu long 5-pela seken tasol, na bai yu karim hevi 5-pela yia sapos yu vot kranki.
- Ol lida gat wok long lukautim ilektoret bilong ol long stretpela we. Ol mas bihainim lo, givim ilektoret bilong ol ol sevis, na luklik long olgeta manmeri olsem ol wankain, i no givim moa samting o sevis long ol wantok o hauslain bilong ol. Votim gutpela lida.
- Long LPV sistem yu ken makim 3-pela kendidet taim yu vot. Tasol tingim – wanpela tasol bilong ol ken win. Makim gut.

**TOK PISIN
VERSION OF
POSTER TO GO
HERE**

Ol vota gat pawa!

Planti taim yumi save pilim olsem olsem yumi nogat pawa, na ol lida bilong yumi gat olgeta pawa. Tasol Papua Niugini i wanpela kantri we i gat demokrasi. As tingting bilong demokrasi em olsem olgeta manmeri long komyuniti i gat wankain pawa. Yumi gat pawa long makim husat bai makim na go pas long yumi na husat bai no inap. I no ol kendidet husat save mekim disisen husat bai winim ileksen. Nogat. Em yu na mi.

Hamas taim yumi save harim ol manmeri long komyuniti bilong yumi kros long ol gavman na ol lida bilong yumi? Sapos yumi gat pawa long votim ol lida, orait, yumi mas sutim tok long husat sapos ol i no ol gutpela lida. Bai yumi sutim tok long ol lida o yumi yet?

Sapos yumi gat pawa long votim ol dispela lida, yumi mas yusim dispela pawa gut. Long demokrasi bilong yumi, yumi gat pawa, na yumi mas yusim long rot we bai helpim planti manmeri long komyuniti bilong yumi. Yumi mas votim wanpela man o meri husat i wari tru long ol hevi bilong olgeta manmeri long ilektoret, husat bai makim yu bihain stretpela rot long Haus Tambaran.

Yusim pawa bilong yu gut: Save gut long ol kendidet bilong yu

Sapos yumi olgeta yusim pawa bilong yumi gut, yumi bai laik save husat stret em ol kendidet bilong yumi

Askim yu yet:

“Long wanem na dispela man o meri ting ol gutpela long makim maus bilong mi na famili bilong mi.” Yumi mas noken larim ol kendidet giamanim yumi na ‘baim’ yumi na vot bilong yumi wantaim mani, ol presen na ol tok promis long baim skul fi. Em i rong long bilipim na tok yesa long ol kain samting olsem. Yumi mas tingim bihain taim.

Askim yu yet, “Wanem plen bilong dispela man o meri givim gutpela bihain taim long ol olgeta manmeri long dispela ilektoret. Wanem samting bai em mekim bilong mipela we bai stap longpela taim na helpim ol pikinini na tumbuna bilong mipela?”

Dispela kendidet i mekim wanem samting pinis we i soim mi olsem em i rait man bilong dispela wok?

Sapos yumi no vot gut na makim ol kendidet yumi save bai makim yumi gut, yumi bai pilim hevi long neks 5-pela yia. Em longpela taim stret long stap wantaim rabis helt sevis, skul, rot and wara long dring.

Olsem na tingting long wanem samting komyuniti i laikim tru na makim wanpela kendidet husat yu bilip tru bai kamapim ol gutpela senis bilong yu na ol lain i kam bihain long yu. Tingim, bai yu vot insait long klostu long 5-pela seken tasol, na bai yu karim hevi 5-pela yia sapos yu vot kranki.